

天台集

七

天

音

■

■

詳校官中書臣張姚成

助教臣常循覆勘

總校官進士臣繆琪

校對官中書臣范鏊

膳錄監生臣劉澐

欽定四庫全書

天台續集別編卷三

宋 林表民 編

分繡閣

洪景伯倅
解新建

曾 惇

治中妙言語
洪濤瀉詞源
向來羣玉府
垂上紫微垣
佐郡滄海傍
憑軒望朝曦
便欲乘輕車
長歎登崑崙
茲樓何縹緲
千巖靄雲屯
庭空百吏散
博山炷微薰
重尋羨門輩
仙事渺無垠
何知對妙高
舉手招德雲

清閼堂

洪郎雅吳語不減賀季真開軒風煙上爽氣朝朝新手
栽渭川竹坐對北海尊平生耐久朋歲晚獨此君此君
不可踈亦復未易親紛紛桃李行豈容託清塵退食靜
隱几微風冷衣巾乃知王子猷真是我輩人

題東湖

三年領客醉東湖欲去猶攜竹裏厨誰解挽留狂太守
風荷十頃翠相扶

次韻朱知裁少卿見貽二首

丹丘山水窟中有如斗城地迴鳥不喧一葉動亦驚閑
門有勝士學道師廣成脩然卧環堵六印一縷輕脫非
玄真子疑即坐忘生姓名存丹臺寧問月旦評小試未
軒翥襍被辭漢廷肯令蓮社流坐歎草堂靈要當酌家
釀酒色粲碧瑛

少陵卧窮巷作詩嘆秋雨坐令馬羣空真欲洗萬古乃
知筆有神寧復慙思阻此翁已僊去上界足官府下視

五濁世正自一塵聚後學如秋蟬聒耳了無取月卿折
檻後傳家有儀矩織成錦繡段宮商寄鳴杼追還正始
音雅頌繼皇武即今風騷將僅可一二數豈伊塵滓人
得此百世士心源忽湛然對面識諸祖何待登妙高厯
險歎踽踽便可咤善才室中聞密語

題謝景思少卿藥寮二首

先生數畝園種藥一何盛了知醫國手元自諳藥性愚
溪植仙毗服食每自信伏波收薏苡初不避讒柄牛溲

馬渤輩並蓄用必慎我知若人心欲了世間病君非山中相疑即句漏令問訊紫金丹刀圭宜有贈

維摩示清羸宴坐丈室中靜觀世上人百邪所交攻我有一丸藥得之無是公人人各安樂淡然心地空脫復未辨此濟物存陰功南山千歲苓託根萬丈松下有青
青草其名為救窮願君時舉手採取置藥籠

次韻李舉之玉霄亭

新亭崛起最高峰無數遙岑翠掃空恐有謝公留屐齒

為開摩詰畫屏風倚江楊柳自高下照水杏花能白紅
正欠渭川千畝竹清陰分借賴鄰翁

亭據城央一徑開仍標蘭芷出蒿萊諸峯合沓雲邊出
大舶可戕海上來已辦酒池供倒載可無舞袖看低回
風煙正賴君彈壓時遣詩鋒為剗裁

再用前韻

舉觴東望玉霄峯萬頃雲濤雪塞空擁鼻自應多好句
褰裳便欲御長風際天江草如許碧隔水山桃無限紅

李侯長句有家法驚倒江樓一禿翁

危觀干霄百尺開海山羅列侶東萊鳥飛千里暮天碧
雲斷半弦新月來報答風光傷晚晚扶持歡事小徘徊
一春準擬留君醉翡翠羅衫窄窄裁

東湖懷賀子忱

不負春風爛熳晴聊驅小隊出郊坰一百五日可無酒
二十四絃須細聽溶溶漾漾沙鳥白短短長長溪柳青
賀監扁舟在何許惜無妙墨記蘭亭

丹丘諸先輩被薦書赴試南宮郡守曾惇既大合
樂祖其行復成小詩歌以送之

夜窻幾歲聚寒螢一日秋闈較藝精不但春秋明古義
雅知月旦著鄉評毫端賸掃三千牘雲路方期九萬程
三郡看魁天下士丹丘應未墜家聲

江南野步簡賀子忱蔡瞻明

步屨溪南探野梅衝寒仍與故人來竹邊嫩蘂為誰好
雪後惡雲今日開照夜賸呼修月戶惜花須築避風臺

中郎華髮殊堪酒更挽稽山賀監回

次韻景伯寵示勸農新什

奉詔東郊宣主恩如雲和氣藹生春
仙舟偶共元禮載官舍仍依王翰鄰
忽有清詩驚老眼慚無惠化及斯人
半生不分微官縛蚤晚故溪歸釣綸

題桐栢石道士院妙聲堂

門外千峯翠作堆道人名籍在丹臺
是非榮辱俱休問只放泉聲入耳來

洪景伯飲諸丈分繡閣呂詩戲之

新營小閣面孱顏
領客開尊紫翠間
千里畫圖供徙倚
一時名勝喜躋攀
好風已破晚來暑
小雨不遮湖上山
老子箇中殊不淺
尚堪同醉看弓彎

次酬曾守分繡閣

洪适

城隅喬木可怡顏
小閣初成尺五間
好客飛觴同嘯傲
新詩銜袖莫追攀
片時涼雨洗疎竹
向晚輕雲留遠山
坐想清香凝燕寢
也思一笑十眉彎

天台道中

灘聲因雨急山勢向雲斜
橋綠誰能畫楓丹遠侶春
鋤懷淺水郭索上寒沙
漸聽鳴梭近林中三數家

赤城山

平生幾讀興公賦今日霞標對赤城
此是南門入山路

山祇乞我一番晴

天台山圖曰赤城
山天台之南門

玉京洞

飈輪曾此宅靈仙洞府今稱第六天
規往不辭蘿蔓險

回看雲物起瓊田

茅君傳云大茅君治赤城丹山玉洞之府則第六天

中巖寺

覽勝尋幽性所耽不教騶哄滓筠杉霞城散綺留仙袂

露磴凝珠拂客衫曾有金龍潛邃洞却因赤蟻遠崇巖

來遊無復從容計自笑羸驂束轡銜

圖經云天寶中常投金龍於赤城洞

中嵒下有赤蟻僧行不精者蟻則嚙之咸呂為病乃移寺去巖一里許

國清寺

紺宇今方盛名知國已清

李邕寺記云智者常夢定光曰寺若成國必清遂呂為名

馬萬松九里影雙澗四時聲

賈島云山門九里松圖經云五峯回環雙澗縈抱天

下四絕之寺

杖策將窮覽巾車不計程登堂山更好人去曉

猿驚

光長老作更好堂方成而有旨移住靈隱時丈室未有繼之者

清音亭

久坐俯潺湲流清詩思慳跳珠鳴蘚石淙玉下松關此
日耳塵靜幾人心地閑抽琴作新曲歸去要怡顏

禪林寺

振策快秋晴伽藍倚翠屏看雲不留瞬對竹已忘形銀